



## Universitätsbibliothek Paderborn

**Francisci Tvrriani Societatis Iesv, Aduersùs  
Magdeburgenses Centuriatores pro Canonibus  
Apostolorum, & Epistolis Decretalibus Pontificum  
Apostolicorum, Libri Quinq[ue]**

**Torres, Francisco de  
Coloniae, 1573**

**VD16 T 1629**

Cap. XX. Quomodò liceat 70. sententias apostolorum, quas Zephyrinus dixit, redigere ad numerum 85. canonum exemplo Synodi Nicenae, quae canonem 5. vnam sententiam dixit duobus canonibus apost. ...

**urn:nbn:de:hbz:466:1-29685**

Quomodo liceat 70. sententias Apostolorum, quas Zephyrinus dixit, redigere ad numerū 85. canonum exemplo Synodi Nicenae, quæ canonem 5. vnam sententiam dixit duobus canonib. R. post. contentam. & demonstratio huius rei multis exemplis.

Cap. 20.

**S**equitur iam, ut de numero 70. sententiarū S. Apostolorum, de quibus S. Zephyrinus meminit, quomodo cum numero 85. can. Apost. quos nunc habemus, conueniat, explicemus. Quod quidem ex canone 5. Synodi Nicenae facile intelligi potest. Vigeat (inquit) sententia secundum canonem iubentem, ut ab alijs excommunicati, ab alijs nē recipiantur, siue clerici sint, siue laici. Est autem de laicis canon Apostolorum 12. De clericis vero, canon Apostol. 32. Vnam itaque sententiam Græcè γνώμην dixit Synodus Nic. Synodus Nicena, duobus canonibus Apostolorum, veluti duobus capitibus compræhensam. Ad hunc ergo modum licet 85. canones Apostolorum epi. zeph. vna in 70. sententias redigere. Et, ut à primo incipiamus, sit vna sententia de ordinationibus, duobus canonibus, primo & secundo, ceu duobus capitibus contenta: uno, de ordinatione Episcoporum: altero, de ordinatione presbyterorum & diaconorum. Alia sententia de oblationibus, item duobus canonibus tertio & quarto contenta: altero de offerendis in ecclesia ad altare, altero de offerendis Episcopo & presbyteris in eorum dominibus. Alia sententia, tertia scilicet, de non suscipiendis negotijs secularibus ab Episcopo, presbyteris, & diaconis, tribus canonibus, velut tribus capitibus, contenta, 5. 81. 83. Sequuntur deinceps alia 4. sententiae, singulæ singulis canonibus contentæ, quinto scilicet de non ejienda vxore Episcopi, presbyteri, diaconi prætextu religionis. 7. de pascha non celebrando cum Iudeis. 8. de communicando facta oblatione. 9. de ingrédientibus in ecclesiam & non permanentibus, &c. Octaua sententia de non communicatingando in oratione cum prohibitis, duobus canonibus compræhensa 10. & 11. uno, de non communicatingando in oratione cum excommunicato: altero in clericis, de non communicatingando cum deposito. Alia sententia, id est, 9. de receptis in alia ciuitate sine literis commendatitijs, tribus canonibus, tanquam tribus capitibus 12. 13. & 33. contenta: uno, de receptis sine literis, sed non excommunicatis: altero, de receptis sine literis & excommunicatis: alio, de peregrinis Episcopis, vel clericis. Sequitur alia sententia 10. contenta canone 14. de Episcopo, nē transeat ad aliam ecclesiam, sua relicta. Alia sententia 11. de clericis transeuntibus ad alias Ecclesiæ suis relictis, & de recipiētibus, duobus canonibus, velut duobus capitibus, contenta, 15. & 16. uno, de presbyteris, diaconis, & alijs clericis transeuntibus sine licentia Episcopi sui: altero, de Episcopo eos recipiente. Alia sententia, id est, 12. de impedimento ordinationis exnuptijs, tribus canonibus, veluti to tidem capitibus compræhensa 17. 18. & 19. uno, de bigamo: altero, de eo qui duxit viduam, aut repudia-

Quomodo 70.  
sententie A-  
post. in epist.  
Zephyr. ad na-  
merū 85. cas  
nonum redi-  
gantur.

L 3 tam,

## PRO CANONIB. APOSTOLOR.

tam, aut meretricem, aut ancillam: tertio, de eo, qui duxit duas sorores, aut consobrinam. Sententia 15. vno canone, id est, 20. contenta, de clero fideiussore. Sententia 14. de eunuchis, quatuor regulis sive canonibus, velut quatuor item capitibus contenta: vno de laicis eunuchis, vel sic natis, vel per violentiam hominū factis: altero de laicis, qui se fecerunt eunuchos, prohibendis, né fiant clerici: tertio de clero, qui se fecit eunuchū, postquam factus est clericus: quarto de laicis, qui se fecerunt eunuchos, excommunicandis annis tribus. Sequuntur deinceps aliae 7. sententiæ variae, totidē canonibus distinctis contentæ, id est, 26. 27. 28. 29. 30. 31. 32. Postea est sententia 20. de Episcoporum subiectione, & mensura potestatis eorum, duobus canonibus, trigesimoquarto & trigesimoquinto cōtentæ: altero, de agnoscendis suis Metropolitanis, & de potestate in suis ecclesijs exercenda: altero, de non ordinando extra suas Ecclesias sive parœcias. Sequuntur deinde aliae due sententiæ, duabus canonibus 36. & 37. Deinde sententia 23. de bonis Episcopi tum ecclesiasticis, tum proprijs, contenta 3. canonibus, 38. 40. & 41. Facile est ad hunc modum 85. canones Apostolorum in 70. sententiæ redigere, cognatos, & materiæ similitudine coniunctos, ad vnam sententiæ, tanquam ad vnam sedem, referentes exemplo (vt dixi) Synodi Nicenæ, qua vnam sententiam Apostolorum citauit, duobus eorum canonibus cōprehensam. Satis sit, indicasse hoc in canonibus & sententijs non paucis. persequatur reliqua, qui voluerit, né quis iam in numero sententiæ 70. & canonum 85. hæsitet.

*Testimonia alia multa antiquorum de canonibus Apostolorum Iustiniani Imperatoris, id est, ecclesia Catholicæ illius temporis, Basilij, Clementis Romani, Eusebij Alexandrini, Perri Alexandrini, Hieronymi, Epiphanij, Anastasij Antiocheni, Cyrilli Alexandrini, Ioannis Damasceni, Tarasij Constantinop. beati Ignatij, Augustini. Item testimonia autorum, qui Canones Græce composuerunt: & qui latine, & veterum Imperatorum catholicorum, qui eos religiosissime seruâunt: præterea Photij Constantinop. Bonifacij Apostoli Germanie, Dionysij Areopagitæ. Postremo beati Perri, & de Canone Apostolorum non ieiunandi sabbato & Domingo.*

*Cap. 21.*

**E**T si sati haec tenus Magdeburgensibus responsum est, satisq; illi refutati, & antiquorum atque generalium conciliorum testimonijs coniuncti videntur: tamen, quo magis adhuc erubescant, non dico hos, qui iam obduruerunt, sed qui istos duces cæcorum sequi volunt, & cum eis in foueam inferni cadere, nisi resipiscant, persequamur reliqua à nobis de canonibus Apostolorum obseruata. Justinianus ergo Imperator, acerrimus ille Synodi Chalcedonensis defensor, ante mille amplius annos, quod testimoniū ecclesia catholica suo tempore canonibus Apostolorum daret, fatis

